

**Cofnodion Cyfarfod y Pwyllgor Trosolwg a Chraffu Adnoddau
Corfforaethol a gynhaliwyd yn Siambr y Cyngor, Neuadd Cyngor
Ceredigion, Penmorfa, Aberaeron ac o bell Ddydd Iau 16 May 2024**

YN BRESENNOL Cyngorydd Elaine Evans (Cadeirydd) Cyngorwyr Euros Davies, Ifan Davies, Endaf Edwards, Eryl Evans, Raymond Evans, Paul Hinge, Hugh Hughes ac Ann Bowen Morgan.

Hefyd yn bresennol: Cyngorwyr Gareth Davies a Matthew Vaux (Aelodau Cabinet) a Gareth Lloyd

Swyddogion yn bresennol: Mr Duncan Hall, Swyddog Arweiniol Corfforaethol – Cyllid a Chaffael, Mr Alun Williams, Swyddog Arweiniol Corfforaethol– Polisi a Pherfformiad, Mrs Ann Ireland, Rheolwr Corfforaethol –Refeniw, Budd-daliadau, ac Asesiadau Ariannol, Mr Justin Davies, Rheolwr Corfforaethol – Cyllid Craidd, Mrs Diana Davies, Rheolwr Corfforaethol – Partneriaethau a Pherfformiad, Ms Cathryn Morgan, Rheolwr Cydraddoldeb a Chynhwysiant, Mrs Dwynwen Jones, Swyddog Cefnogi Craffu and Mrs Dana Jones, Swyddog Democratiaeth a Safonau

(10:00am- 12:20pm)

1 Ymddiheuriadau

Ymddiheurodd y Cyngorwyr Rhodri Evans a Caryl Roberts am eu hanallu i fynychu'r cyfarfod.

2 Datgelu buddiant personol (gan gynnwys datganiadau chwipio) Atgoffir aelodau am eu cyfrifoldeb personol yn datgan unrhyw fudd personol a budd sydd yn rhagfarnu yn gysylltiedig â materion a gynhwysir yn yr agenda hwn yn unol â darpariaethau Deddf Llywodraeth Leol 2000, Cyfansoddiad y Cyngor a Chod Ymddygiad Aelodau. Yn ogystal, mae'n rhaid i Aelodau ddatgan unrhyw chwip plaid gwaharddedig a roddwyd ar Aelod yng nghyswllt y cyfarfod yn ôl Mesur Llywodraeth Leol (Cymru) 2011.

Dim.

3 Adroddiad Perfformiad Diwygio Lles

Derbyniwyd diweddariad Diwygio Lles, gan y Rheolwr Corfforaethol – Refeniw, Budd-daliadau, ac Asesiadau Ariannol ar y canlynol:-

- Cefndir
- Staffio presennol a sefyllfa o ran nifer yr achosion
- Credyd Cynhwysol (CC)
- Cymhorthdal Ystafell Sbâr (Treth ystafell wely)
- Y Cap Budd-daliadau
- Cynllun gostyngiad Treth y Cyngor (CGTC)
- Taliadau Tai Dewisol (TTD)

- Y Dyfodol
- Ymgynghoriadau Llywodraeth Cymru

Yn dilyn cwestiynau gan yr Aelodau, CYTUNWYD i nodi cynnwys yr adroddiad.

Gofynnwyd yn ogystal am fanylion nifer yr achosion gan Awdurdodau Lleol eraill er mwyn cymharu'r llwyth gwaith yng Ngheredigion.

4 Cynllun Grant Cymunedol Ceredigion

Ystyriwyd yr adroddiad Cynllun Grant Cymunedol Ceredigion. Dywedodd y Swyddog Arweiniol Corfforaethol – Cyllid a Chaffael fod Cynllun Grant Cymunedol Ceredigion ar hyn o bryd yn caniatâi ceisiadau am gyllid gan Grwpiau Cymunedol Cyngorau Cymuned neu Cymdeithasau Chwaraeon a Chwarae Gwirfoddol dilys i ymgeisio am gyllid wrth y Cyngor ar gyfer prosiectau sydd â bwriad i gynyddu amrywiaeth y cyfleusterau, gweithgareddau a chyfleoedd o fewn Ceredigion.

Yn ystod proses Pennu'r Gyllideb 2024/25, cytunwyd y byddai cyllideb Cynllun Grant Cymunedol Ceredigion yn cael ei leihau. Bydd cyllideb Grantiau Cyfalaf n cael ei leihau i £100k. Mae cyfraniad y Cyngor i Grantiau Refeniw o £26k yn cael ei ddileu, sydd felly'n lleihau'r cyllid sydd ar gael i £30k y flwyddyn sy'n cael ei ariannu'n gyfan gwbl o gyfran Ceredigion o Gronfa'r Degwm (WCF). Mae'n hanfodol bod y cyllid cyfyngedig sydd ar gael bellach yn cael ei ddefnyddio i'r perwyl mwyaf effeithlon. Mae hyn yn cynnwys ystyried hyd a lled Ceredigion o ba agweddau sy'n bwysig i'w cefnogi.

Yn rhan o'r Gyllideb Grantiau Refeniw, mae grantiau 'Polisi' sy'n cael eu dyfarnu i Bapurau Bro, Eisteddfodau, Sioeau Amaethyddol, Gwyliau ac unigolion sy'n cynrychioli Cymru neu Brydain Fawr.

Mae'r adroddiad hwn yn amlinellu newidiadau arfaethedig i alluogi gwariant y Cynllun i gadw o fewn y gyllideb. Mae canllawiau'r cynllun wedi'u diweddarau ynghlwm fel Atodiad 2.

Yn dilyn trafodaeth a chwestiynau gan yr Aelodau, CYTUNWYD i argymhell i'r Cabinet:-

- (i) i GYNNWYS Cyngorau Tref a Chymuned yn y Cynllun a ddiweddarwyd
- (ii) i ariannu ceisiadau gan Addoldai o Gronfa Eglwys Cymru yn unig
- (iii) i leihau'r lefel uchaf o ddyfarniadau cyfalaf i £10,000
- (iv) i ddiwygio'r ystod o gymorth grantiau Polisi yn unol â Thabl 3.
- (v) i beidio â chynnig unrhyw grantiau refeniw eraill mwyach.
- (vi) i symleiddio ffenestr a phroses ymgeisio grant.

5 Trosolwg o'r materion ariannol yn ystod y flwyddyn

Dyweddodd y Swyddog Arweiniol Corfforaethol – Cyllid a Chaffael y bu'r broses o bennu Cyllideb 24/25 yn un heriol ac roedd yn cynnwys cymeradwyo tua 70 o gynigion i gwtogi'r Gyllideb a oedd yn dod i gyfanswm o tua £5.8m. Mae'r cynnydd wrth gyflawni'r Cwtogiadau Cyllidebol hyn yn cael ei adolygu a'i fonitro gan y Grŵp Arweiniol ar ddiwedd pob mis.

Dyweddodd taw'r bwriad yn ystod y flwyddyn, yw darparu'r wybodaeth ganlynol i bob Pwyllgor Trosolwg a Chraffu yn unigol:

- Y sefyllfa ariannol chwarterol ddiweddaraf fel yr adroddwyd i'r Cabinet, gan ddechrau gyda Chwarter 1 maes o law. Bydd hyn yn cynnwys yr adroddiadau Monitro Refeniw a Chyfalaf.
- Y sefyllfa ddiweddaraf o ran statws BRAG Cwtogiadau Cyllidebol 24/25 fel yr adroddir yn atodiad 1.

Roedd y wybodaeth y gyflwynwyd yn galluogi'r Pwyllgor i graffu ar y materion ariannol sy'n berthnasol i'r meysydd Gwasanaeth sy'n dod o fewn ei gylch gwaith. Ar unrhyw adeg yn ystod y flwyddyn gall y Pwyllgor ddewis bwrw golwg fanylach ar unrhyw ran o'r Gyllideb sydd o fewn ei gylch gwaith a hynny drwy'r Flaenraglen Waith.

Yn dilyn trafodaeth a chwestiynau gan yr Aelodau, CYTUNWYD i nodi'r adroddiad a gyflwynwyd.

6 Adroddiad Blynyddol Polisi Ymgysylltu a Chyfranogi 2023-2024

Cyflwynodd y Cynghorydd Matthew Vaux, Aelod Cabinet dros Bartneriaethau, Tai, y Cyfreithiol a Llywodraethu a Diogelu'r Cyhoedd Adroddiad Blynyddol Polisi Ymgysylltu a Chyfranogi 2023-24, 'Siarad, Gwrando a Gweithio gyda'n Gilydd' a gafodd ei gymeradwyo fel polisi gan y Cabinet ar 04/10/2022 a'i gyhoeddi ar 18/10/2022. Cafodd yr Adroddiad Blynyddol ei gyflwyno er mwyn sicrhau craffu briodol gan y Pwyllgor.

Hwn yw'r ail Adroddiad Blynyddol sy'n amlinellu cynnydd wrth gyflawni'r Polisi.

Yn dilyn trafodaeth a chwestiynau gan yr Aelodau, CYTUNWYD i argymhell fod y Cabinet yn CYMERADWYO'R Adroddiad Blynyddol Polisi Ymgysylltu a Chyfranogi 2023-24.

7 Blaenraglen Waith

CYTUNWYD i nodi'r Flaenraglen Waith fel y'i cyflwynwyd yn amodol ar adroddiad a ddiweddarwyd ynghylch sefyllfa asedau'r Cyngor sydd wedi'u gosod ar y farchnad, wedi'u gwerthu ayb.

8 Cadarnhau cofnodion 12.03.2024 a'r 21.03.2024 ac ystyried unrhyw faterion sy'n codi o'r Cofnodion.

PENDERFYNWYD cadarnhau fel cofnod cywir gofnodion cyfarfod y cyfarfod blaenorol.

**Cadarnhawyd yng Nghyfarfod y Pwyllgor Trosolwg a Chraffu Adnoddau
Corfforaethol a gynhaliwyd ar Dydd Mawrth, 16 Gorffennaf 2024**

Cadeirydd: _____

Dyddiad: _____